

Յաշխարհս ենք տըրտում ամենքս ու խոցով մեր սիրտն է լըցել.
 Ձեր խօսքըդ մեզ դեղ եղաւ, ձեր տեսո՛վըդ ենք խընդացել.
 Յագար երնէկ այս աւուրս, որ մէկտեղ ենք մենք ժողովել:

Ժ Զ .

Թագաւոր ու սուլդան 'ւ իշխանք, որ ի բարձր աթոռ էք նըտսել,
 Շատ ճորտ ու ծառայք եւ զօրք կան ի ձեր առջեւըդ կանգնել.
 Ահեղ ու սաստիկ հրաման ու հանդէս էք դուք յօրինել.
 Ուղորդ դատաստան արեք, զի ձեզ ա՛յլ ատեան կայ պահել:

Ժ Է .

Յըզօր թագաւորք 'ւ իշխանք որ դարպաս էք դուք յօրինել,
 Չայուշ ու պահնորդ դըրել , զձեր երեսդ ի մարդոյ պահել,
 Գանգատ ու զըրկած մարդիկ անճարակ են շատ շիւարել,
 Դըրեք միտ ու դատ արեք, զերդ Աստուած են առ ձեզ եկել:

Ժ Ը .

Շաղուած ես ի չորս իրաց, այդ ցեղ շէնքն ամուր չըլինի.
 Օդըն հողուն ի՞նչ նըման, հուր ու ջուրն են խիստ ատելի.
 Ի հակառակաց ստեղծած եւ եղած ես մարդ կենդանի.
 Վերնայ օդն ու հուրն ու ջուրն եւ մարմինըդ դառնայ փոշի:

Զ Թ .

Երնէկ ես նորա ասեմ որ յաշխարհս ի սուգ կու կենայ,
 Չիւր մեղքն ի յիշումն ածէ, զօրն ի բուն նա նըստի ու լայ.
 Արտասուքն սապոն լին, սեւութիւնն ըսպիտականայ,
 Թէ չէ օր հարսնեցըն գայ, նա հանդերձ հարսին չունենայ:

Ի .

Չաղըն գեմ բարի ասեն, տէր Յիսուս որ գայս հրամայէ.
 Չանհամս ինքն ի համ բերէ ու զնեխածն անուշացընէ.
 Էնց մարդ որ շընորիք ունի, կա՛մ ուսմամբ կա՛մ ի բնութենէ,
 Յամեմ է հոգոց մարդկան ու զհիւանդ հոգիս բըժըշկէ:

Ի Ա .

Չաղըն անհամ ո՞վ տեսել թէ լինի նա պիտանացու.
 Ո՛չ աղբ է պարտեզն ածեն, ո՛չ է քար՝ պատըն շարելու.